

ZUMARRAGAKO ZALDI ABEREEN SARIKETAKO ARAUDIA 2014

1.- Sariketara ekar daitezkeen abereen zehaztasunak

Pottoka zaldi-arrazakotzat, Ingurumen, Lurralde Plangintza, Nekazaritza eta Arrantzako sailburuaren 2010eko azaroaren 12ko Aginduan «Euskal Poneya edo Pottoka» zaldi-arrazaren arau espezifikoekin bat datozenak hartuko dira.

Euskal Herriko Mendiko Zaldia zaldi-arrazakotzat hartuko dira Nekazaritza eta Arrantza Sailak araututako arraza-prototipoarekin bat datozenak (1999-07-21ko Agindua, Euskal Herriko Mendiko Zaldia zaldi-arrazaren liburu genealogikoari buruzko arau bereziak onartzen dituena).

Haragitarako zaldi aberetzat hartuko dira bretoi arrazaren, arraza ardandarraren edo pertxeroiaren adarretik nahiz horien arteko nahasketatik datozen zaldiak. Abere horien ezaugarri nagusia handiak eta gihartsuak izatea da, eta bizi diren inguruneari ederki egokituta egotea.

2.- Sariketaren atalak

Sariketak hiru atal nagusi izango ditu:

- a) **Pottokak.** A atala. Honako sariok emango dira:
 - Zaldiak (3 urte edo gehiagokoak): 3 sari (gehienez) 300 €-koak
 - Behorrak (3 urte edo gehiagokoak): 3 sari (gehienez) 250 €-koak
 - Urteko moxala (**2014an** jaiotako zaldikoa nahiz behorra): 3 sari (gehienez) 200 €-koak
- b) **Euskal Herriko Mendiko Zaldia.**
 - Zaldiak (3 urte edo gehiagokoak): 3 sari (gehienez) 300 €-koak
 - Behorrak (3 urte edo gehiagokoak): 3 sari (gehienez) 250 €-koak
 - Urteko moxala (**2014an** jaiotako zaldikoa nahiz behorra): 3 sari (gehienez) 200 €-koak
- d) **Haragitarako zaldi aipagarrienarentzat:**
 - 300 euro
- e) **Ezkiyo-ltsaso, Gabiria, Legazpi, Ormaiztegi, Urretxu eta Zumarragako abere-talde onena aurkezten duenarentzat:**
 - 250 euro

Saria jasotzen dutenek garaikurra ere izango dute.

Epaimahaiak, atalen batean edo atal guztietan, saria merezi duenik ez dagoela ikusten badu, sari hori eman gabe utz dezake.

Sariak Kalebarren-Areizaga plazan banatuko dira, Santa Lutzi egunean bertan, eguerdiko 1,30etan hasiko den ekitaldian.

Abere jabea sari banaketan ageri ez bada, sariari uko egin diola ulertuko da.

3.- Sariketako epaimahaia

Sariketako epaimahaia Zumarragako alkate jaunak izendatuko du zinegotzi arduradunaren proposamenaren arabera, eta horretarako kontuan hartuko da gai honetan adituak diren erakunde publiko nahiz pribatu edo jakitunen iritzia.

Epaimahaia gutxienez hiru teknikarik osatuko dute, eta gehienez bostek, guztiak ere gai honetan adituak izango direlarik. Teknikari horietako bat Epaimahaiko idazkaria izango da, eta erabakia agiri batean jasoko du. Erabaki-agiriak udaletxeko Idazkaritzan egon beharko du abenduaren 13ko eguerdiko 12,30ak baino lehen.

Epaimahaiaren erabakia aldaezina izango da, eta horretarako honako irizpideak hartuko dituzte kontuan:

4.- Kontuan hartuko diren ezaugarriak

- a) Haragitarako zaldi abereetan, ezaugarri morfologiko egokiak izatea, eta Pottoketan eta Euskal Herriko Mendi Zaldietan arraza-prototipoarekin bat etortzea.
- b) Adina.
- c) Sexua.

5.- Sariketaren baldintzak

Pottoka, Euskal Herriko Mendiko Zaldia eta haragitarako zaldi-abereak: Ganaduzaleak parte hartzeko asmoaren berri jakinarazi beharko dio Zumarragako Udaleko Kultura Batzordeari, **azaroaren 28ko ordu biak baino lehen**, 943-72.35.10 telefonora deituta. Honela, sariketan parte hartuko duten abereentzat toki berezia prestatuko da. Izena ematerakoan honako datuok jakinarazi beharko dira:

- Ganaduzalearen izena eta helbidea.
- Sariketako atal bakoitzera aurkeztu nahi dituen abelburuen identifikazio zenbakiak. Sariketara gehienez ere BOST abere aurkez daitezke.
- Pottoken kasuan abereen kalifikazio agiria, dagokion Lurraldeko Pottoka Elkarateak emana
- Euskal Herriko Mendiko Zaldiaren kasuan ere, abereen kalifikazio agiria, dagokion Lurraldeko Euskal Herriko Mendiko Zaldien Elkarateak emana.

Ganaduzaleak berak ekarri beharko du ganadua abenduaren 13ko goizeko 9,00ak baino lehen Urdaneta hiribideko feria-lekura, eta bertan zehaztuko diote non jarri behar dituen abereak, sariketako abereentzat leku berezia izango baita. Eguerdiko ordu biak baino lehen ezin izango da sariketako abererik jaso.

Abere guztiek gaur egungo legediak eskatzen dituen osasun eta identifikazio-agiriak izan beharko dituzte.

Antolatzaileek ez dute bere gain hartuko sariketa hau dela eta gerta daitezkeen lapurreta, min hartze nahiz bestelakorik, ez ganaduzaleari gertatutakorik ez ikusleei eragindakorik.